

Broj: 03-04-1456-14/21  
Sarajevo, 17.10.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 18-10-2022			
Org. jed.	Broj	Priloga	Vrijednost
0511	-02-	507	121

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku  
n/p gosp. Elviru Karajbiću, zastupniku

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva energije, rudarstva i industrije, broj: 05-02-4-2512/21 od 11. listopada 2022. godine, koji se odnosi na zastupničko pitanje zastupnika Elvira Karajbića.

S poštovanjem,



**TAJNIK VLADE**

mr. sc. Edita Kalajdžić

Privitak: kao u tekstu

Broj: 05-02-4-2512/21  
Mostar, 11.10.2022. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
n/p mr. sc. Edita Kalajdžić, sekretar Vlade

BOSNA I HERCEGOVINA  
FEDERACIJA BOSNE I HERCEGOVINE  
VLADA  
SARAJEVO

PRIMLJENO: 14.10.2022			
Organizaciona jedinica	Klasifikaciona oznaka	Stupanj tajnosti	Broj prijave
03-04-1456-14/2021			

PREDMET: Poslaničko pitanje, odgovor – dostavlja se

Poštovani,

U prilogu Vašeg akta, broj: 03-04-1456-14/2021 od 24.12.2021. godine, dostavili ste, radi odgovora u skladu sa nadležnostima, poslaničko pitanje koje je na 28. redovnoj sjednici Predstavničkog doma Parlamenta Federacije Bosne i Hercegovine održanoj 21.12.2021. godine, postavio Elvir Karajbić, poslanik u Predstavničkom domu Parlamenta Federacije Bosne i Hercegovine. Poslaničkim pitanjem se traži informacija koje su aktivnosti poduzeli Federalno ministarstvo energije, rudarstva i industrije i Regulatorna komisija za energiju u Federaciji Bosne i Hercegovine, povodom Zaključka Vlade Federacije Bosne i Hercegovine V. broj 1282/2020 od 17.09.2020. godine, koji se odnosi na analizu dokumenata (izdata rješenja o mikroproizvođačima i sklopljeni ugovori potpisani na osnovu rješenja koje je donio Operator za OIEiEK). Nadalje, traži se informacija koji su Zaključci odnosno prijedlozi mjera za daljnje postupanje, nakon izvršene analize, usvojeni?

Pored navedenog traži se informacija da li Operator za OIEiEK plaća podsticaje proizvođačima, kojima je bivša Uprava Operatora za OIEiEK izdala rješenja o mikroproizvođačima.

U vezi navedenog, u nastavku slijede aktivnosti koje je ovo Ministarstvo poduzimalo po predmetnim pitanjima:

- Vlada Federacije Bosne i Hercegovine (u daljnjem tekstu: Vlada FBiH) je na svojoj 310. sjednici održanoj 07.04.2022. godine, donijela Zaključak Vlade FBiH V. broj: 463/2022 (u prilogu), kojim je prihvatila Informaciju Federalnog ministarstva energije, rudarstva i industrije o Polugodišnjem Izvještaju o radu i poslovanju Operatora za OIEiEK za period januar - juni 2021. godine (u prilogu), te dala niz zaduženja ovom Ministarstvu i Operatoru za OIEiEK.
- Nastavno na navedene aktivnosti, Vlada FBiH je na svojoj 330. sjednici održanoj 08.09.2022. godine, donijela Zaključak Vlade FBiH V. broj: 1328/2022 (u prilogu), kojim je prihvatila Informaciju Federalnog ministarstva energije, rudarstva i industrije u vezi realizacije Zaključka Vlade Federacije Bosne i Hercegovine V. broj: 463/2022 od 07.04.2022. godine (u prilogu), iz koje je vidljivo koje su aktivnosti poduzimane po gore navedenom Zaključku Vlade FBiH V. broj: 463/2022, te je dala nova zaduženja ovom Ministarstvu, Finansijskoj policiji i Operatoru za OIEiEK.

- U vezi realizacije aktivnosti iz Zaključka Vlade FBiH V. broj: 1328/2022, obavještavamo Vas da, prema dostupnim informacijama kojima raspolaže ovo Ministarstvo, realizovane su tačke 2., 3. i 5. dok je realizacija tačaka 4. i 6. u toku.

Ministarstvo je pokrenulo aktivnosti iz tačke 6. Zaključka, te će u što skorije vrijeme, u saradnji sa Federalnim ministarstvom pravde predložiti odgovarajuće rješenje u vezi problematike izdanih rješenja Operatora za OIEiEK o statusu mikroproizvođača.

S poštovanjem,



**Prilog:** kao u tekstu (13 stranica)

**Dostaviti:**

- Naslovu
- 05
- a/a



Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i čl. 32. i 51. stav (1) Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), Vlada Federacije Bosne i Hercegovine, na 310. sjednici, održanoj 07.04.2022. godine, donosi

### ZAKLJUČAK

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije o Polugodišnjem Izvještaju o radu i poslovanju Operatora za OIEiEK za period januar - juni 2021. godine.
2. Vlada Federacije Bosne i Hercegovine ne prihvata Polugodišnji Izvještaj o radu i poslovanju Operatora za OIEiEK za period januar - juni 2021. godine.
3. Zadužuje se Federalno ministarstvo energije, rudarstva i industrije da Izvještaj Radne grupe za analizu polugodišnjeg Izvještaja o radu i poslovanju Operatora za OIEiEK za period januar - juni 2021. godine dostavi Operatoru za OIEiEK.
4. Zadužuje se Operator za OIEiEK da, prilikom izrade Izvještaja o radu i poslovanju Operatora za OIEiEK za 2022. godinu, uzme u obzir primjedbe navedene u Izvještaju iz tačke 3. ovog zaključka.
5. Zadužuje se Operator za OIEiEK da, u roku od 60 dana, izvrši analizu sklopljenih sudskih nagodbi, iz koje će biti vidljivo koji je pravni akt na osnovu kojih su nagodbe sklopljene, te eventualno poduzme druge odgovarajuće pravne radnje.
6. Zadužuje se Operator za OIEiEK da napravi precizan Plan aktivnosti za otklanjanje grešaka u vezi revizije Operatora za OIEiEK za 2019. i 2020. godinu.
7. Zadužuje se Operator za OIEiEK da izvrši reviziju/poništanje svih rješenja Operatora za OIEiEK o statusu mikroproizvođača koje je izdavao proizvođačima iz OIE i ostalih dokumenata koji su proistekli iz navedenih rješenja.
8. Zadužuje se Operator za OIEiEK da okonča aktivnosti u vezi problematike poslovnog prostora Operatora za OIEiEK.
9. Zadužuje se Federalno ministarstvo energije, rudarstva i industrije da, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.
10. Ovaj zaključak stupa na snagu danom donošenja.

V. broj: 463 /2022  
07.04.2022. godine  
Sarajevo



**FEDERALNO MINISTARSTVO ENERGIJE, RUDARSTVA I INDUSTRIJE**

**INFORMACIJA**  
**o polugodišnjem Izvještaju o radu i poslovanju Operatora za**  
**OIEiEK za period januar - juni 2021. godine**

**Mart, 2022. godine**

**Informacija o  
polugodišnjem Izvještaju o radu i poslovanju Operatora za OIEiEK za period  
januar - juni 2021. godine**

**I. Uvod:**

Operator za obnovljive izvore energije i efikasnu kogeneraciju (u daljem tekstu Operator za OIEiEK) uspostavljen je Zakonom o korištenju obnovljivih izvora energije i efikasne kogeneracije („Službene novine Federacije BiH”, br. 70/13 i 5/14) s ciljem stvaranja institucionalne strukture za operacionalizaciju sistema podsticaja proizvodnje i otkupa električne energije iz postrojenja koja koriste obnovljive izvore energije i efikasnu kogeneraciju.

Operator za OIEiEK je Zakonom definisan kao neprofitno pravno lice. Operator za OIEiEK se finansira dijelom iz naknada za podsticanje ostvarenih u skladu sa članom 22. Zakona i iz prihoda koje ostvari po osnovu izdavanja upravnih akata.

Rad i poslovanje Operatora za OIEiEK regulišu i nadziru Federalno ministarstvo energije, rudarstva i industrije i Regulatorna komisija za energiju u Federaciji BiH, svako u okviru svojih nadležnosti.

U skladu sa tačkom XII. podtačka 4) Odluke o statusnim pitanjima i organizaciji Operatora za OIEiEK („Službene novine Federacije BiH”, br. 91/19, 69/20, 83/20, 67/21 i 07/22), Upravni odbor usvaja polugodišnji i godišnji izvještaj o poslovanju Operatora za OIEiEK.

Cilj ove informacije je da se Vlada Federacije Bosne i Hercegovine (u daljnjem tekstu – Vlada FBiH) informiše o polugodišnjem Izvještaju o radu i poslovanju Operatora za OIEiEK za period januar - juni 2021. godine.

**II. Polugodišnji Izvještaj o radu i poslovanju Operatora za OIEiEK za period januar - juni 2021. godine**

U okviru aktivnosti koje provodi Federalno ministarstvo energije, rudarstva i industrije, a vezanim za rad i poslovanje Operatora za OIEiEK, Federalno ministarstvo energije, rudarstva i industrije zaprimilo je dopis Operatora za OIEiEK broj: 02-1778-2/21 od 30.09.2021. godine, putem kojeg su ovom Ministarstvu dostavljeni

- Polugodišnji Izvještaj o radu i poslovanju Operatora za OIEiEK za period januar - juni 2021. godine broj: 02-1778/21 od 30.09.2021. godine (u prilogu),
- Odluka UO Operatora za OIEiEK o usvajanju Polugodišnjeg Izvještaja o radu i poslovanju Operatora za OIEiEK za period januar - juni 2021. godine broj: 01-1778-1/21 od 30.09.2021. godine (u prilogu).

Federalni ministar energije, rudarstva i industrije donio je Rješenje o imenovanju Radne grupe za analizu polugodišnjeg Izvještaja o radu i poslovanju Operatora za OIEiEK za period januar - juni 2021. godine broj: 05-02-2-1850/21 od 12.11.2021. godine. Zadatak Radne grupe je bio da analizira dostavljeni polugodišnji Izvještaj o radu i poslovanju Operatora za OIEiEK za period januar - juni 2021. godine broj: 02-1778/21 od 30.09.2021. godine i Odluku Upravnog odbora o usvajanju Polugodišnjeg Izvještaja o radu i poslovanju Operatora za OIEiEK za period januar - juni 2021. godine i da da prijedlog daljnjih aktivnosti.

U skladu sa navedenim, sačinjen je Izvještaj Radne grupe za analizu polugodišnjeg Izvještaja o radu i poslovanju Operatora za OIEiEK za period januar -

juni 2021. godine (u prilogu) u kojim je navedeno niz nedostataka predmetnog izvještaja kao i prijedlog daljnjih aktivnosti.

### III. Rezime

Imajući u vidu prethodno navedeno, Federalno ministarstvo energije, rudarstva i industrije predlaže Vladi Federacije Bosne i Hercegovine da usvoji sljedeći zaključak:

#### Zaključak

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije o Polugodišnjem Izvještaju o radu i poslovanju Operatora za OIEiEK za period januar - juni 2021. godine.
2. Vlada Federacije Bosne i Hercegovine ne prihvata Polugodišnji Izvještaj o radu i poslovanju Operatora za OIEiEK za period januar - juni 2021. godine.
3. Zadužuje se Federalno ministarstvo energije, rudarstva i industrije da Izvještaj Radne grupe za analizu polugodišnjeg Izvještaja o radu i poslovanju Operatora za OIEiEK za period januar - juni 2021. godine dostavi Operatoru za OIEiEK.
4. Zadužuje se Operator za OIEiEK da, prilikom izrade Izvještaja o radu i poslovanju Operatora za OIEiEK za 2022. godinu, uzme u obzir primjedbe navedene u Izvještaju iz tačke 3. ovog Zaključka.
5. Zadužuje se Operator za OIEiEK da u roku od 60 dana izvrši analizu sklopljenih sudskih nagodbi, iz koje će biti vidljivo koji je pravni akt na osnovu kojih su nagodbe sklopljene, te eventualno poduzme druge odgovarajuće pravne radnje.
6. Zadužuje se Operator za OIEiEK da napravi precizan Plan aktivnosti za otklanjanje grešaka u vezi revizije Operatera za OIEiEK za 2019. i 2020. godinu.
7. Zadužuje se Operator za OIEiEK da izvrši reviziju/poništanje svih rješenja Operatora za OIEiEK o statusu mikroproizvođača koje je izdavao proizvođačima iz OIE i ostalih dokumenata koji su proistekli iz navedenih rješenja.
8. Zadužuje se Operator za OIEiEK da okonča aktivnosti u vezi problematike poslovnog prostora Operatora za OIEiEK.
9. Zadužuje se Federalno ministarstvo energije, rudarstva i industrije da, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.
10. Ovaj zaključak stupa na snagu danom donošenja.



BOSNA I HERCEGOVINA  
FEDERACIJA BOSNE I HERCEGOVINE  
VLADA

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ВЛАДА

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i čl. 32. i 51. stav (1) Poslovnika o radu Vlade Federacije Bosne i Hercegovine-Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), Vlada Federacije Bosne i Hercegovine, na 330. sjednici, održanoj 08.09.2022. godine donosi

## ZAKLJUČAK

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije u vezi realizacije Zaključka Vlade Federacije Bosne i Hercegovine V. broj: 463/2022 od 07.04.2022. godine.
2. Zadužuje se Operator za OIEiEK da Federalnom ministarstvu energije, rudarstva i industrije, u roku od 15 dana, dostavi sva Rješenja o statusu mikroproizvođača koja je donio Operator za OIEiEK.
3. Zadužuje se Federalno ministarstvo energije, rudarstva i industrije da Informaciju sa priložima iz tačke 1. ovog zaključka dostavi Finansijskoj - Financijskoj policiji Federacije Bosne i Hercegovine, na nadležno postupanje.
4. Zadužuje se Finansijska - Financijska policija Federacije Bosne i Hercegovine da, u okviru svojih nadležnosti, utvrdi da li postoji osnova sumnje o počinjenju krivičnog djela, te eventualno informaciju o istom prosljedi nadležnom tužilaštvu, Vladi Federacije Bosne i Hercegovine i Federalnom ministarstvu energije, rudarstva i industrije.
5. Zadužuje se Operator za OIEiEK da u roku od 15 dana, Finansijskoj - Financijskoj policiji Federacije Bosne i Hercegovine dostavi Izvještaj Komisije za provođenje revizije svih rješenja Operatora za OIEiEK o statusu mikroproizvođača koje je izdavao proizvođačima iz obnovljivih izvora energije sa svim popratnim priložima.
6. Zadužuje se Federalno ministarstvo energije, rudarstva i industrije da, u saradnji sa Federalnim ministarstvom pravde, predloži Vladi Federacije Bosne i Hercegovine odgovarajuće rješenje u vezi problematike izdatih rješenja Operatora za OIEiEK o statusu mikroproizvođača, čiju će eventualnu realizaciju provesti Operator za OIEiEK.
7. Zadužuje se Federalno ministarstvo energije, rudarstva i industrije da, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.
8. Ovaj zaključak stupa na snagu danom donošenja

V. broj: 1328/2022  
08.09.2022. godine  
Sarajevo



**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ENERGIJE, RUDARSTVA I INDUSTRIJE**

**INFORMACIJA**  
**u vezi realizacije Zaključka Vlade Federacije Bosne i Hercegovine**  
**V. broj: 463/2022 od 07.04.2022. godine**

**Mostar, august 2022. godine**

**Informacija**  
**u vezi realizacije Zaključka Vlade Federacije Bosne i Hercegovine**  
**V. broj: 463/2022 od 07.04.2022. godine**

**I. Uvod:**

Vlada Federacije Bosne i Hercegovine (u daljnjem tekstu – Vlada FBiH) je na svojoj 310. sjednici održanoj 07.04.2022. godine, razmatrala Informaciju Federalnog ministarstva energije, rudarstva i industrije o Polugodišnjem Izvještaju o radu i poslovanju Operatora za OIEiEK za period januar - juni 2021. godine, prilikom čega je donijela Zaključak V. broj: 463/2022 od 07.04.2022. godine (u daljnjem tekstu: Zaključak).

Cilj ove informacije je informisanje Vlade FBiH o realizaciji zaduženja iz Zaključka, te predlaganje daljnjih aktivnosti.

**II. Realizacija aktivnosti i zaduženja iz Zaključka Vlade FBiH V. broj: 463/2022 od 07.04.2022. godine**

Tačkama 3. - 9. Zaključka, Vlada FBiH je zadužila Federalno ministarstvo energije, rudarstva i industrije i Operator za OIEiEK da provedu niz aktivnosti, a u vezi rada Operatora za OIEiEK u prethodnom periodu.

U nastavku slijede zaduženja, te aktivnosti koje su provedene po predmetnim zaduženjima:

- a) **tačka 3. Zaključka:** Zadužuje se Federalno ministarstvo energije, rudarstva i industrije da Izvještaj Radne grupe za analizu polugodišnjeg Izvještaja o radu i poslovanju Operatora za OIEiEK za period januar - juni 2021. godine dostavi Operatoru za OIEiEK.

**IZVRŠENO:** Federalno ministarstvo energije, rudarstva i industrije je, aktom broj: 05-02-2-1850/21 od 21.03.2022. godine, dostavilo Operatoru za OIEiEK predmetni Izvještaj Radne grupe.

- b) **tačka 4. Zaključka:** Zadužuje se Operator za OIEiEK da, prilikom izrade Izvještaja o radu i poslovanju Operatora za OIEiEK za 2021. godinu, uzme u obzir primjedbe navedene u Izvještaju iz tačke 3. ovog Zaključka.

**IZVRŠENO:** Operator za OIEiEK je, aktom broj: 02-504-11/22 od 25.05.2022. godine dostavio izmijenjeni Izvještaj o radu i poslovanju Operatora za OIEiEK za 2021. godinu broj: 02-504-9/22 od 25.05.2022. godine sa Odlukom Upravnog odbora Operatora za OIEiEK broj: 01-504-10/22 od 25.05.2022. godine o usvajanju izmijenjenog i dopunjenog Izvještaja o radu i poslovanju Operatora za OIEiEK za 2021. godinu. Vlada FBiH je, na 317. sjednici održanoj 02.06.2022. godine razmatrala Informaciju ovog Ministarstva o radu i poslovanju Operatora za OIEiEK za 2021. godinu, te donijela Zaključak V. broj: 812/2022 od 02.06.2022. godine kojim je primila k znanju Izvještaj o radu i poslovanju Operatora za OIEiEK za 2021. godinu.

- c) **tačka 5. Zaključka:** Zadužuje se Operator za OIEiEK da u roku od 60 dana izvrši analizu sklopljenih sudskih nagodbi, iz koje će biti vidljivo koji je pravni akt na osnovu kojih su nagodbe sklopljene, te eventualno poduzme druge odgovarajuće pravne radnje.

**DJELOMIČNO IZVRŠENO:** Operator za OIEiEK je, aktom broj: 02-588-2/22 od 25.05.2022. godine dostavio Informaciju o analizi sklopljenih sudskih nagodbi (prilog 1), gdje se navodi da je Operator za OIEiEK utvrdio da je zaključeno pet sudskih nagodbi i to u sudskim sporovima pokrenutim protiv Operatora za OIEiEK od strane:

- „KARA DRVO“ d.o.o. Fojnica,
- „VESNA-S“ d.o.o. Bugojno,
- „HO Svjetlost“ d.o.o. Doboj Istok,
- „GNJEČE 1“, vl. Senad Batalević, Doboj Istok,
- zajednička tužba „GRANITEX“ d.o.o. Čapljina, Obrt „VELOVO KUČIŠTE“, vl. Anita Ivanković — Lijanović, Obrt „ČANDRO“, vl. Branka Čurić, „ŠOLA“ d.o.o. Tomislavgrad, Obrt „BLJESAK“, vl. Ivanka Sabljčić.

Pored navedenih sudskih nagodbi izvršena je analiza presuda na osnovu priznanja i to:

- Obrt „MIRNA LUKA“, vl. Kozina Željko i
- „ZEKA“ d.o.o. Ljubuški.

Važno je napomenuti da su sudske nagodbe sklopljene na osnovu Presude Općinskog suda u Mostaru broj: 58 O Ps 199428 18 Ps od 30.01.2020. godine, a na koju Operator za OIEiEK nije ulagao žalbu Kantonalnom sudu u Mostaru, iako je imao dvije Presude Kantonalnog suda u Mostaru broj: 07 O U 013696 16 U od 22.03.2019. godine i broj: 07 O U 014251 17 U od 15.11.2019. godine koje je Operator dobio u svoju korist protiv privrednih društava „Šakota“ d.o.o. Međugorje i CONRA d.o.o. Tešanj, po istom pravnom osnovu.

Nadalje, u vezi dijela teksta taksativno naznačenog pod rednim brojem 5., gdje se navodi, **citira se:** „Tadašnji zakonski zastupnik Operatora za OIEiEK, Boriša Misirača, na nastavku glavne rasprave je izjavio: „obzirom da je u prethodnom predmetu a koji se odnosi na identičan tužbeni zahtjev tužitelja fotonaponska solarna elektrana „Bare“ donesena presuda naslovnog suda, broj: 58 O Ps 199428 18 Ps od 30.01.2020. godine, tuženi prihvata sklapanje nagodbe u ovoj pravnoj stvari, u želji da uštedi vrijeme i sredstva i sudu i samom sebi, a obzirom na kamate i sve sudske troškove.““ – **kraj citata**, nije vidljivo niti je navedeno, da li je tadašnji zakonski zastupnik Operatora za OIEiEK na navedenoj raspravi, prilikom rasprave dostavio naslovnom sudu informaciju o dvije Presude Kantonalnog suda u Mostaru broj: 07 O U 013696 16 U od 22.03.2019. godine i broj: 07 O U 014251 17 U od 15.11.2019. godine (prilog 2), a koje je Operator dobio u svoju korist protiv privrednih društava „Šakota“ d.o.o. Međugorje i CONRA d.o.o. Tešanj, po istom pravnom osnovu, koje su po mišljenju ovog Ministarstva mogle ići u prilog Operatoru za OIEiEK, te je u vezi navedenog, ovo Ministarstvo, aktom broj: 05-02-2-1850/21 od 04.07.2022. godine (prilog 3), zatražilo informaciju da li su prethodno navedene Presude Kantonalnog suda u Mostaru dostavljene u toku postupaka kod Općinskog suda u Mostaru, kao i jasno i precizno mišljenje Operatora za OIEiEK kao i mišljenje pravne službe Operatora za OIEiEK, da li bi prilaganje prethodno navedenih presuda Kantonalnog suda u Mostaru na gore navedenoj raspravi moglo uticati na eventualno drugačiji ishod presude Općinskog suda u Mostaru broj: 58 O Ps 199428 18 Ps od 30.01.2020. godine, a na osnovu koje su potpisane navedene sudske nagodbe.

S tim u vezi, Operator za OIEiEK je, aktom broj: 02-588-8/22 od 15.07.2022. godine (prilog 4), između ostalog, dostavio informaciju da, uvidom u zapisnike sa pripremnog ročišta i zapisnike sa glavne rasprave, tadašnji zakonski zastupnik Operatora za OIEiEK postupajućem sudu nije dostavio dvije pomenute presude Kantonalnog suda u Mostaru.

- d) **tačka 6. Zaključka:** Zadužuje se Operator za OIEiEK da napravi precizan Plan aktivnosti za otklanjanje grešaka u vezi revizije Operatera za OIEiEK za 2019. i 2020. godinu.

**IZVRŠENO:** Operator za OIEiEK je, s ciljem provođenja preporuka datih u Izvještaju o finansijskoj reviziji Operatora za obnovljive izvore energije i efikasnu kogeneraciju 2019. i 2020. broj: 01-02-08-11-3-2525-6/20, aktom broj: 02-588-3/22 od 31.05.2022. godine, dostavio Vladi FBiH i ovom Ministarstvu informaciju da je donio Program aktivnosti i mjera Operatora za OIEiEK na provođenju preporuka Ureda za reviziju institucija u Federaciji BiH (prilog 5). Za svaku od preporuka iz Izvještaja Ureda za reviziju institucija u Federaciji BiH definisane su aktivnosti i mjere koje će se realizovati, sa određenim nosiocima aktivnosti i rokovima za provedbu navedene aktivnosti. Za sve preporuke definisane su aktivnosti koje će se provesti tokom 2022. godine i aktivnosti koje će se pokrenuti u 2022. godini. Od 37 preporuka Operator za OIEiEK je realizovao 23 preporuke, a realizacija 14 preporuka je u toku.

- e) **tačka 7. Zaključka:** Zadužuje se Operator za OIEiEK da izvrši reviziju/poništanje svih rješenja Operatora za OIEiEK o statusu mikroproizvođača koje je izdavao proizvođačima iz OIE i ostalih dokumenata koji su proistekli iz navedenih rješenja.

**NEIZVRŠENO/djelomično izvršeno sa zakašnjenjem:** Operator za OIEiEK je, aktom broj: 02-1-714-11/22 od 07.07.2022. godine, dostavio informaciju da je imenovao Komisiju za provedbu revizije svih rješenja Operatora za OIEiEK o statusu mikroproizvođača koje je izdavao proizvođačima iz OIE, te je dostavio Izvještaj Komisije za provedbu revizije svih rješenja Operatora za OIEiEK o statusu mikroproizvođača koje je izdavao proizvođačima iz OIE (prilog 6).

Kako se između ostalog navodi u Izvještaju Komisije, pregledano je 173 predmeta. Uvidom u pojedinačne spise navedenih 173 predmeta, identificirano je 65 rješenja o sticanju statusa mikroproizvođača, a koja je izdao Operator za OIEiEK. Na ovaj način Komisija je evidentirala ukupno 65 predmeta – zahtjeva koji se odnose na 65 postrojenja – solarnih elektrana, a za koja je Operator za OIEiEK izdao rješenja o statusu mikroproizvođača. Komisija je ustanovila da su na osnovu ovih Rješenja, sklopljeni Ugovori o otkupu električne energije po garantovanim cijenama. Na osnovu pomenute evidencije, Komisija je sačinila listu tako identifikovanih predmeta – zahtjeva, a koji su riješeni na način da je Operator za OIEiEK izdao rješenja o statusu mikroproizvođača. Komisija nije pronašla spise – predmeta vezane za osam (8) Ugovora evidentiranih u spisku Ugovora, odnosno za iste nisu pronađeni zahtjevi, niti Rješenja o utvrđivanju statusa, a na osnovu kojih su sklopljeni Ugovori, te je utvrđeno da je Operator za OIEiEK izdao 71 rješenja o statusu mikroproizvođača. Za jednog od pomenutih osam, za proizvođača „SOLAR ENERGO–BATISTA“ - postrojenje SE Batista 2, Komisija je, uvidom u dokumentaciju iz tužbe koju je isti podnio protiv Operatora za OIEiEK, utvrdila da mu je Operator za OIEiEK izdao rješenja o statusu mikroproizvođača, jer je isto bilo prilog tužbi, te da je postojeći ugovor o otkupu po garantovanim cijenama sklopljen na osnovu tog rješenja. Kako bi se utvrdilo na osnovu kojeg rješenja je sklopljeno ostalih 7 ugovora o otkupu po garantovanim cijenama, čijih spisa nema u arhivima Operatora za OIEiEK, ovim proizvođačima Operator za OIEiEK je uputio dopise, a potom i urgencije, u kojima je zatraženo dostavljanje izdatih Rješenja od strane Operatora za OIEiEK o utvrđivanju statusa, na osnovu kojih su zaključeni Ugovori, kao i dostavljanje samih Ugovora o otkupu po garantovanim cijenama. Nakon dostave traženih akata, Komisija je utvrdila da pet (5) od sedam (7) proizvođača posjeduje Rješenja o statusu mikroproizvođača. Ostala 2 (dva) proizvođača ugovore su stekli na osnovu Rješenja o sticanju statusa privilegovanog

proizvođača. Shodno gore navedenom, ukupan broj postrojenja za koja je Komisija identifikovala da su od strane Operatora za OIEiEK izdata Rješenja o statusu mikroproizvođača iznosi **sedamdeset i jedan (71)**.

Nadalje, u Izvještaju Komisije se navodi:

- Komisija je izvršila pregled raspoložive dokumentacije ukupno šezdeset i pet (65) pojedinačnih zahtjeva, a koji su sadržavali pomenuta rješenja, kao i pregled šest (6) naknadno dostavljenih rješenja, a kojim je Operator za OIEiEK utvrdio da se radi o mikroproizvođaču. **Komisija smatra da donošenje ovih rješenja o mikroproizvođaču nije bilo u nadležnosti Operatora za OIEiEK.**
- Komisija je pregledom pojedinačnih spisa zahtjeva utvrdila da je, na osnovu rješenja kojima je od strane Operatora za OIEiEK utvrđivan status mikroproizvođača, Operator zaključivao i ugovore o otkupu električne energije po granatovanim cijenama. Članovi Komisije su izvršili pojedinačne analize svih 71 tako zaključenih ugovora.
- Komisija je ustanovila da pomenuti ugovori odstupaju od standardnog modela ugovora o otkupu električne energije iz OIE po garantovanim otkupnim cijenama, obzirom da ne sadrže preambulu, a koja je obavezni dio pomenutog standardnog modela ugovora. Također, u spisu 65 predmeta nije identifikovana prethodna saglasnost Federalnog ministarstva energije, rudarstva i industrije za sklapanje ugovora koji odstupa od standardnog modela ugovora o otkupu, kako je to propisano članom 26. stav (7) Uredbe o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje ("Službene novine Federacije BiH", br: 48/14 i 28/22). Nalazi članova komisije vezani za sadržaj pomenutih pojedinačnih ugovora detaljno su dati u pomenutim mišljenjima, a koja su priložena uz ovaj Izvještaj i čine njegov sastavni dio.
- Pri pregledu dokumentacije 65 pomenutih zahtjeva Komisija nije utvrdila ni postojanje mišljenja o raspoloživosti dinamičkih kvota, niti neki drugi dokument kojim bi se eventualno utvrdilo da je provjeravana raspoloživost dinamičkih kvota prilikom obrade zahtjeva. **Stoga Komisija zaključuje da nema dokaza da je raspoloživost dinamičkih kvota uopće razmatrana, a što je Zakonom propisana obaveza.**
- Za svaki pojedinačni zahtjev Komisija je utvrđivala i da li je u momentu donošenja Rješenja, odnosno, sklapanja Ugovora o otkupu proizvođač posjedovao dozvolu za rad - djelatnost proizvodnje električne energije Regulatorne komisije za energiju u Federaciji Bosne i Hercegovine (u daljnjem tekstu FERK), te da li je ista priložena prilikom podnošenja zahtjeva. Za svakog pojedinačnog podnosioca zahtjeva, Komisija je utvrdila da li je ta dozvola izdana prije ili nakon dana sklapanja Ugovora o otkupu po garantovanim cijenama, odnosno da li je u momentu donošenja Rješenja kojim se utvrđuje status mikroproizvođača od strane Operatora za OIEiEK, proizvođač bio od strane FERK-a ovlašten da obavlja djelatnost proizvodnje električne energije. Nalazi o ovim pitanjima su prikazani unutar pojedinačnih mišljenja o svakom predmetu, za svakog pojedinačnog podnosioca zahtjeva. Obzirom da Operator za OIEiEK nema nadležnost da izdaje rješenja kojima se utvrđuje da li je proizvođač mikroproizvođač, Komisija smatra da Operator za OIEiEK nije imao zakonsku osnovu za donošenje rješenja, a u kojima se utvrđuje da podnosioci zahtjeva ispunjavaju uslove iz člana 27. Zakona o korištenju OIEiEK, te u kojima se tvrdi da se radi o mikroproizvođačima. Također, Komisija ističe, kao vrlo bitnu činjenicu da ugovori o otkupu po garantovanim cijenama ne mogu biti sklopljeni sa proizvođačima prije nego što isti ne dobiju dozvolu za rad - djelatnost

proizvodnje električne energije, odnosno prije nego im se utvrdi status kvalifikovanih proizvođača, a što je u nadležnosti FERK-a. Uzimajući u obzir činjenicu da je za utvrđivanje statusa privilegovanog proizvođača neophodno da je proizvođač prethodno već pribavio FERK-ovu dozvolu za rad, a kojom mu je utvrđen status kvalifikovanog proizvođača, FERK-ova dozvola je jedan od uslova bez čijeg prethodnog ispunjenja ne može doći do sklapanja ugovora o otkupu po garantovanoj cijeni. Zbog ove važne činjenice, u listi – tabeli koja se dostavlja uz ovaj izvještaj istaknuti su i datumi dodjela FERK-ovih dozvola za proizvodnju električne energije za pojedine proizvođače. **U pomenutoj tabeli su posebno naznačeni (crvenom bojom) oni slučajevi u kojima su Dozvole FERK-a za rad izdate nakon sklapanja Ugovora o otkupu po garantovanim cijenama.**

- Za 4 postrojenja za koja smo prema evidenciji na web stranici FERK-a utvrdili da još uvijek nemaju FERK-ovu dozvolu za rad, odnosno nemaju još uvijek utvrđen status kvalifikovanog proizvođača, Komisija je zatražila i zvanične informacije od FERK-a po ovom pitanju. Prema zvaničnom odgovoru FERK-a koji je dostavljen Operatoru za OIEiEK, ova četiri postrojenja u momentu dostavljanja odgovora još nisu ishodovala FERK-ove dozvole za rad.

Nadalje, u toku aktivnosti koje je provodilo ovo Ministarstvo po pitanje izdavanja rješenja o mikroproizvođačima od strane Operatora za OIEiEK, ističe se dopis FERK-a broj: 06-13-5-869-01/20 od 22.07.2020. godine, kojim je FERK skrenuo pažnju da Operator za OIEiEK, izdavanjem rješenja o mikroproizvođačima, direktno zadire i miješa se u zakonom propisane nadležnosti FERK-a, u skladu sa članom 21. stav (1) tačka 9) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13, 94/15, 54/19, 1/22 i 61/22) gdje je propisano da je FERK nadležan za izdavanje, obnovu, prijenos ili oduzimanje dozvola za proizvodnju, distribuciju, snabdijevanje, trgovinu električne energije i Operatora za OIEiEK, te članu 84. stav (1) Zakona o električnoj energiji u Federaciji Bosne i Hercegovine, gdje je propisano da FERK propisuje kriterije, uslove i postupak za izdavanje dozvole za obavljanje elektroprivrednih djelatnosti iz člana 12. stav (1) Zakona o električnoj energiji u Federaciji Bosne i Hercegovine, kao i Pravilnika za izdavanje dozvola („Službene novine Federacije BiH“, br. 2/17 i 39/20), kojim je FERK propisao kriterije na osnovu kojih izdaje dozvole za obavljanje elektroprivrednih djelatnosti, pa tako i za izdavanje dozvole za rad za proizvodnju električne energije u mikropostrojenju iz OIE.

Prema mišljenju Komisije Operatora za OIEiEK za provedbu revizije svih rješenja Operatora za OIEiEK o statusu mikroproizvođača, navodi se član 261. Zakona o upravnom postupku Federacije BiH, koji bi mogao biti pravni osnov za poništavanje ili ukidanje rješenja o statusu mikroproizvođača, a koji je propisao, između ostalog, da rješenje u upravnom postupku po pravu nadzora, može poništiti drugostepeni organ, ili ukoliko nema drugostepenog organa, rješenje može poništiti ili ukinuti Vlada FBiH, ako se radi o rješenju federalnog organa uprave ili federalne ustanove, kao i da Nadležni organ donosi rješenje o poništenju rješenja po službenoj dužnosti, na zahtjev stranke, tužioca ili ombudsmena.

Međutim, ovo Ministarstvo je mišljenja da Operator za OIEiEK nije federalni organ uprave ili federalna ustanova, kako je propisano članom 261, te da Vlada FBiH ne bi mogla poništiti ili ukinuti navedena rješenja. S tim u vezi, uz saradnju sa Federalnim ministarstvom pravde koje vrši nadzor nad primjenom Zakona o upravnom postupku Federacije BiH i Uredom za zakonodavstvo i usklađenost sa propisima Evropske unije ovo Ministarstvo će pokrenuti aktivnosti na iznalaženju odgovarajućeg rješenja po predmetnoj problematici.

- f) **tačka 8. Zaključka:** Zadužuje se Operator za OIEiEK da okonča aktivnosti u vezi problematike poslovnog prostora Operatora za OIEiEK.

**DJELOMIČNO IZVRŠENO:** Operator za OIEiEK je, aktom broj: 02-588-1/22 od 25.05.2022. godine (prilog 7), dostavio Vladi FBiH i ovom Ministarstvu Informaciju o problematici poslovnog prostora Operatora za OIEiEK, gdje se navodi da je Operator za OIEiEK kod Općinskog suda u Mostaru pokrenuo postupak, kojim se traži utvrđenje ništavosti Ugovora o zakupu poslovnog prostora od 30.01.2019. godine i Aneksa Ugovora o zakupu poslovnog prostora od 28.11.2019. godine zaključen između Operatora za OIEiEK i REAL ESTATE INTERNATIONAL d.o.o..

U navedenom dopisu se nadalje navodi „**citata**: Ugovor o zakupu poslovnog prostora nikada nije realizovan na način da se Operator za OIEiEK preselio u predmetni poslovni prostor. Razlog istom jeste činjenica da na zaključenje Ugovora, kao i samo preseljenje, Upravni odbor Operatora za OIEiEK i Vlada Federacije BiH (kao osnivač Operatora za OIEiEK) nikada nisu dali saglasnost. Tokom cjelokupnog postupka koji je prethodio sklapanju Ugovora, tadašnji direktor Operatora za OIEiEK, Boriša Misirača je postupao izvan svojih ovlaštenja. Preseljenje u nove prostorije, kao i sama promjena sjedišta Operatora za OIEiEK nije bila u poslovnom planu Operatora za OIEiEK, niti je tadašnji direktor Operatora za OIEiEK na bilo koji način o istom obavještavao Upravni odbor i Vladu Federacije BiH. Ugovor, kao i sve radnje koje su proistekle iz ovog odnosa su rezultat samovoljnog postupanja tadašnjeg direktora Operatora za OIEiEK izvan granica svojih ovlaštenja. Operator za OIEiEK je 28.03.2022. godine zaprimio Opomenu pred tužbu privrednog društva REAL ESTATE INTERNATIONAL d.o.o. u kojoj je isto tražilo naplatu, kako navode, neizmirenih obaveza Operatora za OIEiEK na dan 18.03.2022. godine u iznosu od 209.048,40 KM ne uključujući zatezne kamate od dana nastanka obaveze plaćanja pa do konačne isplate. Operator za OIEiEK je aktom broj: 02-181-9/19 od 01.04.2022. godine odgovorio da nema mogućnost da postupi po Opomeni pred tužbu.“ – **kraj citata**.

Aktivnosti po predmetnom pitanju se nastavljaju.

- g) **tačka 9. Zaključka:** Zadužuje se Federalno ministarstvo energije, rudarstva i industrije da, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.

**IZVRŠENO:** Federalno ministarstvo energije, rudarstva i industrije, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.

**Spisak priloga:**

- prilog 1: Informacija Operatora za OIEiEK o analizi sklopljenih sudskih nagodbi broj: 02-588-2/22 od 25.05.2022. godine sa pripadajućim prilogima (146 stranica),
- prilog 2: Presude Kantonalnog suda u Mostaru broj: 07 O U 013696 16 U od 22.03.2019. godine i broj: 07 O U 014251 17 U od 15.11.2019. godine (9 stranica),
- prilog 3: Dopis Federalnog ministarstva energije, rudarstva i industrije broj: 05-02-2-1850/21 od 04.07.2022. godine (2 stranice),
- prilog 4: Dopis Operatora za OIEiEK broj: 02-588-8/22 od 15.07.2022. godine sa pripadajućim prilogima (53 stranice),
- prilog 5: Dopis Operatora za OIEiEK broj: 02-588-3/22 od 31.05.2022. godine sa pripadajućim prilogima (16 stranica),



- prilog 6: Akt Operatora za OIEiEK broj: 02-1-714-11/22 od 07.07.2022. godine, sa pripadajućim priložima (8 stranica),
- prilog 7: Informacija Operatora za OIEiEK o problematici poslovnog prostora Operatora za OIEiEK broj: 02-588-1/22 od 25.05.2022. godine sa pripadajućim priložima (33 stranice).

**Napomena: zbog obimnosti priloga (ukupno 267 stranica), iste dostavljamo u elektronskom obliku (cd-format-u).**

Imajući u vidu prethodno navedeno, Federalno ministarstvo energije, rudarstva i industrije predlaže Vladi Federacije Bosne i Hercegovine da usvoji sljedeći

#### Zaključak

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije u vezi realizacije Zaključka Vlade Federacije Bosne i Hercegovine V. broj: 463/2022 od 07.04.2022. godine.
2. Zadužuje se Operator za OIEiEK da Federalnom ministarstvu energije, rudarstva i industrije u roku od 15 dana dostavi sva Rješenja o statusu mikroproizvođača koja je donio Operator za OIEiEK.
3. Zadužuje se Generalni sekretarijat Vlade Federacije Bosne i Hercegovine da Informaciju sa priložima iz tačke 1. ovog zaključka dostavi Finansijskoj-financijskoj policiji Federacije Bosne i Hercegovine, na nadležno postupanje.
4. Zadužuje se Finansijska-Financijska policija Federacije Bosne i Hercegovine da, u okviru svojih nadležnosti, utvrdi da li postoji osnova sumnje o počinjenju krivičnog djela, te eventualno informaciju o istom prosljedi nadležnom tužilaštvu, Vladi Federacije Bosne i Hercegovine i Federalnom ministarstvu energije, rudarstva i industrije.
5. Zadužuje se Operator za OIEiEK da u roku od 15 dana, Finansijskoj-Financijskoj policiji Federacije Bosne i Hercegovine dostavi Izvještaj Komisije za provedbu revizije svih rješenja Operatora za OIEiEK o statusu mikroproizvođača koje je izdavao proizvođačima iz obnovljivih izvora energije sa svim popratnim priložima.
6. Zadužuje se Federalno ministarstvo energije, rudarstva i industrije da, uz saradnju sa Federalnim ministarstvom pravde i Uredom za zakonodavstvo i usklađenost sa propisima Evropske unije, predloži Vladi Federacije Bosne i Hercegovine odgovarajuće rješenje u vezi problematike izdatih rješenja Operatora za OIEiEK o statusu mikroproizvođača, čiju će eventualnu realizaciju provesti Operator za OIEiEK.
7. Zadužuje se Federalno ministarstvo energije, rudarstva i industrije da, u okviru svojih nadležnosti, kontinuirano nadzire rad i poslovanje Operatora za OIEiEK, te po potrebi izvještava Vladu Federacije Bosne i Hercegovine.
8. Ovaj zaključak stupa na snagu danom donošenja.